

միջոցին անիճած է զԽաստուրցիս և զԽաստուր, վասն որոյ Խաստուր քաղաքն աւերակ դարձած է և Խաստուրցիք միշտ աղքատ վիճակի մէջ կը գտնուին:

2. ՀԱՇՏՈՅ.—Հանդէպ Չլիանի գիւղին 1 ¹/₂ ժամ հեռի, ի Ղլիճ կետուկ տանող ճանապարհէն ¹/₄ ժամ յարևելս՝ Ղլիճ կետուկ լեռներու կողերու վերայ շինուած է Հաշտոյ 25 անուոր եզիդաբնակ գիւղն, որ ութ տարի առաջ Չլիանեցոց կը պատկանէր, նաև իւրեանց ոչխարաց գոմն էր:

Այս եզդիկ մէկ մասն են այն եզիդներուն, որ 1880 թուականին բնակուած էին Անդափ և չորս գիւղերու աէր էին, քրդական բռնութեանց չտոկալով՝ տակաւ առ տակաւ վրաններով մերձեցան ռուսական սահմանին. կառավարութիւնը ջանաց արգելել, սակայն իւրեանք դիմադրելով՝ մեծ կռուէ մի յետոյ անցան սահմանը, թողլով տուն, կալուած, կահ կարասի, նաև անասնեղեններ քուրդ և թուրք զինուորաց ձեռք՝ երկու կողմից տասնի չափ սպանութիւն լինելէ յետոյ:

Սորա հաստատուեցան կարսայ սահմանի մէջ գտնուող քանի գիւղերն: Ասոնց երկրորդ գլխաւորն Այիպ՝ անհամաձայն գտնուելով առաջին ցեղապետ Էմէրիկի հետ, առաւ 30 տուն իւրեան հեռեղ եզիդքն վերադարձաւ Սամանեան սահմանը՝ իւր գիւղը հաստատուելու: Բայց ի վաղուց արդէն կարսայ կողմերէն գաղթող թէրեքեմէ թուրքերն գրաւած էին ու լաւ լաւ շինութիւններ շինած էին այս գիւղերու մէջ, որով կառավարութիւնը առժամանակեայ սոցա տեղ որոշեց Չլիանուա Հաշտոյ գոմը, ուր հաստատուելով գրաւեցին, նստան: Այժմ ևս խոյս տուած են կասն:

Եզդիներն որչափ որ թուով քիչ են, սակայն տո-